

湖  
海  
詩  
傳

湖海詩傳卷十一

青浦王 昶德甫輯

盛 錦

字庭堅吳縣人諸生著有青嶼詩鈔

蒲陽山房詩話青嶼詩以入蜀爲第一世人輒以杜少陵王新城爲比然不知少陵由秦階經枯柏渡而至劍閣新城乃從鳳翔寶雞經漢中以至寧遠陸路不同若青嶼取道歸州穿夔巫入成都卽吳漢伐公孫述之路亦卽放翁入蜀新城出蜀之路其地雖皆屬天彭井絡而山川形勢迥殊放翁雖有鐵馬西風大散關之語其後封爵渭南而南北棧實未接轡及之故諸公摹寫山水各傳其勝論詩者乃并爲一談正如屈蛟之蟲方隅之眼空見笑於通人也

履霜操

自注適有撫琴渡相傳尹伯奇彈履霜操處遂擬是作

霜豔豔兮瀟之瀟兒弗履兮畏我父母 叶 兒身載寒兮兒心  
載苦兒心兮父心兒身兮母身寒兮苦兮實傷我親兒罪兮  
莫道親心兮可轉俟日出而問光兮履霜亦暖

十二碁

羣峰東奔流虎牙怒相對峙十二碕羅列鐘鼓狀顛崖轟  
層霄旁竇穿激浪峽泉落九天洶洶翻海藏撐舟出井底篙  
師氣先喪衆工捷如猱百丈緣壁上木末縱飛騰山凹迭升  
降一鼓更作氣千篙力誰讓造化何神奇設此待霸王頗聞  
白帝子於此拒漢將鐵鎖貫浮梁金戈森衛仗蕭統復何人  
屯兵倚巒嶂羣雄電掃空故壘猶在望平生歷險難未若茲  
遊壯萬里投蠻荒一身墮煙瘴風餐案傾歌水宿魂震盪搜  
奇命轉輕得句神益旺詎畏前途修巉巖險如象

空船峽

出峽復入峽兩崖插青冥中流逐狂飈奔騰萬馬聲下灘梭  
一擲觸石危橋傾逆挽勞百夫十步九倒行力盡聽所止刺  
篙就廻汀愛此民居壯凌空駕軒楹宿雲出洞戶古木撐巖

屏驚猿或挂樹怪鳥時一鳴捫蘿上絕壁山風動冠纓呼童  
拾錦石信手扳雜英興幽忘涉險觸目多怡情前途苦逼仄  
絕境難久停過午巖日晦磊落見數星厓黑畏突虎蠻語頻  
丁寧移舟近湍激拍枕聲鏗鉤骨肉緣久斷中宵夢亦清狂  
吟出險句那顧鄰舟驚

過灘

重峽間百灘一灘度一厄江渦衆壑趨厓口亂石積大石壘  
龍鼉小石攢劍戟中流若沸川翻倒蛟龍窟牽舟逼下流凜  
若阻兵革長篙挂峰腰遠纜走山脊鳴金築衆工銳進不盈  
尺一絲中迸斷百里供一擲觸石無完艘沈淵有驚魄是時  
雨初霽沙石多滑澤亡命爭上厓匍匐落冠舄婦孺互扶攜  
雞犬任狼藉暫脫魚腹災波濤亦衽席轉思斷鼇初四極莫

群石豈其禹力衰此境終未開吾尤罪巨靈何惜隻手擎天  
宰真夢夢人事日偪窄波靜有潛鱗林深多飲翮寄語營利  
徒勿作遠行客

峽夜

噉噉猿啼夜淒淒鶴唳空斷厓開四壁深井落孤蓬樹漏懸  
明月湍驚無定風萬重雲水隔歸夢亦逢窮

虎牙灘

楚蜀分爭地雄關扼怒濤灘聲牛峽轉山勢虎牙高巖樹丹  
青雜舟檣上下勞新詩橫槊賦旅興一時豪

曉發

曉發東安道輕霜淨馬啼亂鴉僧閣外殘月女牆西春冷花  
猶斂沙平路欲迷東皋待時雨取次把鋤犁

老將

白髮枕戈眠黃沙帶甲穿風雲經百戰筋力盡三邊舊識飛  
狐路高談射虎年間筋心未死尙想勒燕然

登忠山謁武侯祠

瘴烟開曉霽振策上忠山霸氣餘三國江聲走百蠻懸崖祠  
屋古劃地陣圖閑檜柏陰風起疑提鐵騎還

登白帝城

萬仞牆臨灩澦堆子陽伯業劃江開白鹽峰對城頭出巫峽  
帆從地底來雲起化龍迷故井風生躍馬有高臺漢家陵闕  
同灰滅淚盡寒猿日夕哀

白帝城謁昭烈武侯廟

永安宮殿峽江頭一體君臣祀武侯天祖式臨傳詔夜風雲

變色出師秋鳴鑾久絕空山道籌筆猶懸古驛樓  
瞻向死忠  
誰死孝千秋配食重詒謀

蜀道寫懷

辭家動作經年別去國真成萬里遊淚眼已枯猿嘯夜鄉書  
空望雁來秋  
蠶叢路險連雲棧鹿角灘驚上峽舟心折江陵  
灌園叟黃柑千樹比封侯

舟抵瀘洲

錦江直下古城壕地入炎荒近不毛萬里親朋勞夢寐十旬  
羈宿托風濤  
征蠻羅甸軍聲遠論蜀文關典築高掃盡瘴烟  
聞郡閣岷峨天半落揮毫

任城使院晤翁齊堂有贈

垂馬長安憶舊遊逢君意氣振高秋酒徒半散荆卿市詩版

孤懸李白樓握手星辰搖短劍離心風雨送扁舟明年醉我  
南池上須典千金紫綺裘

題杜文貞公南池新祠

自注沈某園侍御建  
祠公像配以許主簿

浣花遊蹟寄南池洗馬鳴蟬感替時過主名高三禮賦懷人  
心折人哀詩綺同賈島應呼佛繡比平原合買絲玉貌仰瞻  
如舊識憶曾親拜草堂祠

白蓮

玉井分栽到野塘永綃翠袖迴生涼半江殘月欲無影一岸  
冷雲何處香真相尙留開士社紅衣盡洗美人妝水仙操罷  
扁舟去誰與凌波解佩瑤

過渝州

月落清溪放櫂來渝歌聲接楚猿哀濤迴峽底三江合壁立



城頭萬戶開  
貔虎尙屯巴  
子國龍蛇爭  
避夏王臺  
何當振策  
塗山頂  
黑水茫茫辨九垓

別兄弟

未斟別酒已傷神  
四海終輪同氣親  
此去白雲天萬里  
望歸無復倚閭人

別家人

伏雌烹罷勸加餐  
秉燭喃喃語夜闌  
點檢篋中裝  
苟具預知別後寄衣難

周準

字欽葉號迂村長洲人諸生有虛室吟稿

蒲柳山房詩話陳啓勸領紫雲迂村往受業及至京師不交權貴志節皎然  
雖東漢人獨行不足過矣沈文憲門下承其指授者以盛青璉周迂村顧謙百陳  
經邦爲最其後則王國嗜錢曉微曹來殷諸生我趙州之張策時及于後有矣詩  
學源流爲接武窮異之說者不可不知若金晉雖曾親風旨要未嘗有騰香之奉

也

登北高峰絕頂

茲峰俯煙波盤屈勢高峻紆餘簞竹間迴顧已千仞澗滿藤  
陰垂崖傾鹿蹟印當其陰初履早識境逾進潭憐空翠入壁  
訝丹霞襯寒嶠帶漁收晚帆凌雁陣散情有遐致舒目無留  
瞬會稽渺天末隔雲遙可認何當泛越船一爲窮南鎮  
晚從冷泉遊遂止招提境入門聞清鐘孤閣夜方末傾耳聽  
泉聲聲喧意彌靜朝來小雨過宿霧散高嶺憑窗見層峯澗  
壑殊清迥不知曉雲過但覺衣裳冷清飈動林薄初日照山  
影行當訪朝光直上松雲頂

發朱砂菴逕觀音巖登石人峯

言探黝山奇早別朱砂石升厓得險境指示已悚惕熟遊尚

色變何況遠來客凌空四無倚投趾不容隙壁削緣藤行崖  
傾藉人掖所憑勇往志不隨艱苦易幽巖旣已經危峯自不  
隔振衣造其巔奇勝在咫尺俯身入煙蘿欲詣仙人宅

緣天都峯趾度雲巢洞上升仙梯遂憩文殊院

天都信岌巖特立若翠屏取逕過其趾俯仰皆奧境松石俱  
象形巖巒類盤纒將陟目屢眩恐墜心更警行經陰洞中恍  
惚陷深井須臾從井出冉冉首露頂流盼多創避不類人世  
景境斷緣梯升氣逼毛骨冷意堅斯有獲出險真自幸向晚  
憩禪扉一燈照孤影

長江萬里圖

江氣溢素練江濤走虛堂風吹江草杜若香江源萬里遙相  
望我昔經行武昌岸計程未及江之半天清鄂渚見千里惟

有巴船出雲漢楚塞別來三十載披圖忽覩全蜀在巴水盤  
迴控峽山拂雲帶雨蒼茫間鼙鳴蛟宮猿嘯嶺驚浪不礙漁  
舟閑十二峯高如可攀雲旂恍覩神女還反思往日遊趾窄  
異境未極空惋惜白虎關黃牛驛引我夢魂重挂席竹枝歌  
罷江天碧

游空谷法螺諸菴

樹密路疑近峰迴徑復分泉聲喧亂石花氣暖晴雲碧澗印  
人蹟蒼厓下鳥羣坐憐紺宇接到處絕塵氛

送陳原一之官甘肅

旅食京華歷幾霜一官纔喜赴莊浪六盤舊著唐宗蹟五衛  
猶傳漢帝疆山逼星河分井鬼地連沙漠雜羌羗西風匹馬  
衝寒去早識安邊有定方

行經拂水山莊

扁舟汎汎越南沙倚杖愁臨澗路斜  
孝穆荒齋猶竹石摠持故宅尚鶯花  
名高那許遺簪紱情重難教棄室家  
太息百年同逝水淒涼還爲惜才華

晨自松陵歸渡太湖卽事

迴望垂虹隔杳冥湖波浩渺快揚舲  
半篙日氣霧中白萬點浪花煙外青  
隱隱榜歌來雁汊淒淒漁笛出雲汀  
還憐心切鄉關近未暇攜筇訪洞庭

題秦餘女史所畫楚辭圖

繞雲烟痕洞庭深芳杜幽蘭遍水濤  
北渚已傳湘女恨南征更離楚臣心  
雲中桂樹聲疑咽天際瑤臺影乍沉  
寫盡離騷無限意竹枝歌罷又猿吟

江上曲

空江潮落水茫茫南楚征途萬里長爲是曾經分手地不聽  
離曲亦神傷

蝴蝶詞

萬花谷裏逐芳塵自受翩躚粉澤新多少繁華任留戀不知  
止是夢中身

漢川

漢川城郭枕江隄黯黯烟波日乍低我欲停撓訪神女暮山  
無際楚雲西

陳翹

字經邦長洲人諸生

月夜聞笛

裂竹蒼龍吼飛聲入暮林誰將折柳曲吹我故園心風雨有時作江湖此夕深倚樓人不見規月吐遙岑

訪沈石田舊居

故里荒祠在鄉鄰尙典型浮雲看富貴介石寄丹青世路憐皆濁吾生任獨醒弋人何所慕鴻漸久冥冥

秦箏曲

珠箔初開急柱鳴錦衣畫閣坐彈箏十年夢斷伊州月猶帶淒涼隴上聲

秋夜曲

別院涼歸夜未殘芙蓉秋滿石闌干珠簾不隔玲瓏月來照銀頭玉燕寒

顧品峰

字祿百長洲人貢生有吹萬閣詩鈔

宋樹西平郡王碑

涇原突騎如颶馳德宗避狄離京師兇渠乘間竊神器羣寮  
俯首朝堦堦西平聞風奮勇武提戈限涕驅熊羆飛孤夜出  
臨渭北六軍感激忘其私錦旗繡帽立陣上欲使衆睹英雄  
姿賊平人不識旗鼓三代罕有師神奇肅清宮禁迎帝駕鐘  
簷圍寢均無移帝還駐馬重嘉歎生臣扶國蒙天慈節兼隴  
右位元帥長城束幘威邊陲恩延後嗣繼台席殊勲表請銘  
鼎發裴公文章柳公筆銀鈎鐵畫辭淋漓流傳揭本自宋代  
千載展誦虹霓垂有唐中興功再見惟王名與汾陽隨如何  
君聰蔽奸譖中道罷鎮空羈縻宏才遠畧置閒散七年轉側  
懷憂疑平涼劫盟國再辱萬乘反受蠻夷欺鹽州克復念王



續靈座始以新鹽遺乃知秉軸貴賢相社稷於此關安危

朱碧山銀槎歌馬嶼谷席上賦

舊聞漢帝驚遠略遣使西域尋河源乘槎浮海歷歲月誤入

牛斗逢天孫正史莫載疑杳渺齊諧有志勞探繙

漢書張騫傳  
載漢使窮河

源無乘槎事博物志稱天河與海通有人黃髮乘槎而去  
見織女亦不指爲雉梁宗懷荆楚歲時記始合而爲一云

碧山一老信好事

鎔金想像成芳樽霜皮老樹苔蘚剝摧牙落角千年根綸巾

蹀躞氣傲岸仰視四際雙眉掀古來銀工不多數朱

唐魯  
卿

三謝

君餘  
君和

弟與昆碧山神妙技尤絕盡洗鑿斧無纖痕槎旁

欸識刻至正當時虞揭通交謹閤今四百有餘歲市朝屢易

多更番人間重器半銷毀此槎未省何由存主人博雅富金

石愛護奚啻虞雌敦酒闌出槎重勸客滿斟敢惜夕景昏垂

碧迴憶侍秀水閑舉經眼皆瑤璫羽觴玉爵見無算獨有一

解傳前元問之卅載恨未覩把玩頓慰心神煩談深飲劇漸  
酩酊忽據班傳興狂言驚當建元月氏返具述天馬生大宛  
發兵取馬距郁城六千騎卒空含冤我思驚罪在不赦胡爲  
寶此重錦捫主云驚初羈外國持節弗失懷君恩人生一端  
便足取識古那許深文論斯言可聽試再酌坐看落月橫西  
軒

岳鄂王墓

大將星芒落沉寃向此中十年勞戰伐三字痛英雄復見神  
州陷虛期漠北空錢唐司馬在相對泣孤忠

虞山經拂水山莊

平泉竹石久凋零寂寞空山戶盡扁啼鳥尙來江令宅蒼苔  
欲沒子雲亭生前名字傳鈞黨身後文章見典型輸與東臯

瞿給事千秋汗簡自垂青

韓騏

字其武吳縣人貢生著有補瓢集

冀恪中餉鮮荔枝賦謝

頽虬遺卵閩海濱火齊磊落炎雲屯千林一掃附海舶南風  
五日來吳門吳門寓公閩中傑然諾平生一言決滿甕投將  
赤鳳珠開緘訝入驪龍穴斑竹几陳綠玉盤擘開紅繡浮精  
丸高堂白髮添燕喜稚兒黃口辭朝餐入口水綃氣清腹齒  
牙特倩瓊漿漉全家骨肉飽啖餘遍及親隣又童僕漢宮百  
木交趾栽唐殿七日濱江來數枝碧葉菁華盡一騎紅塵笑  
鬚開何如心交出片語水遞分甘舊相許望梅安用樂天圖  
畫餅欲廢君謨序人生嗜欲良有絲不知其味吾何求一朝

夢飲生色相夢魂夜夜楓亭游陳家紫方家紅絳苞玉液綵  
成叢老饕欲語顏還赤珍重期君歲一供

題馬湘蘭爲王百谷畫蘭

秦淮水色通江綠教伎樓頭沸絲竹春風領袖號湘蘭生小  
幽懷託空谷吳門才子丞相賓風流本是同心人紅妝不但  
烟花主白首終期翰墨親剡溪雲染湘江佩葉翦蕭疎花向  
背亭亭修竹倚孤叢投贈分明兩相配尊生玩好誠難偶  
錦軸牙籤間敦貞珍重標題作題爲百谷依稀硯席同良友  
二百年來供賞鑒猩紅小記謂親驗曾聞十斛買名姝豈惜  
千金酬素艷長板橋南暮靄橫金閨亭館蘼蕪平當年十日  
酣歌舞何似香從玉腕生百谷七十誕辰湘蘭備亥樂張建十日爲壽金閨傳爲盛事書生薄命甘  
同妾人世穠華摠灰滅美人名士足千秋一幅清芬歎雙絕

昔年薄命原同  
妾百谷句也

曉渡揚子江

月落未落天轉風榜人呼噪船開篷老夫睡眼揩朦朧一葉  
已在江流中是時殘月猶泛水金光烟燦鴻夷宮須臾日破  
海雲出赤霞正射浮玉峰金烏玉兔兩交暎奇彩頗恨言難  
工蝸廬貪睡晨懶起而此絕境殊難逢孤舟昨日繫江蒹眠  
食不快愁蘊隆豈知江神懷靈異使我一旦開心胸葉葉帆  
移雁陣起層層浪簇魚鱗重遂從江南達江北涼飈簸簸掀  
蘆叢無風三尺浪安在一衣帶水何能雄所嗟白下路甚邇  
江源須向峨眉窮

太真扶醉上馬圖

潼關一戰哥舒虜霓裳幻作漁陽鼓倉皇騎馬出都門鉤盒

金釵傳恨譜圖中景物亂未逢繁華天寶如夢中玉環扶醉  
乘花驄鈿釵欹側雲鬟鬆金銜玉勒誇芳穠得非驪山賜浴  
罷或是曲江歡宴終阿嬈丞相各歸第明皇前導力士從餘  
興欲入連昌宮彼昏醉眼方朦朧桃花浥雨印頰紅回眸一  
盼生春風是時延秋烏未語萬歲千秋樂相許玉杯春薦荔  
枝香回頭石馬嘶風雨

題畫陳搏

退步英雄事業輕睡中籌畫最分明華山不與陳橋變卻爲  
人間計太平

題趙承旨畫蘭

花花葉葉帶春風自出王孫揮灑工猶有遺民作心史也將  
餘墨寫幽叢

李果

字碩夫號客山長洲人布衣有詠歸亭詩鈔

清獨山房詩話客山艱苦力學思創誦經衡門兩版竟日俯然良友至輒呼小童取一錢就茶肆啖茗共啜之熈蘇不厭怡然自得巡撫宗室雅公嘗過次山侍衛即以吳中隱君子侍御對以客山及惠松崖公遂往造焉避而不見時人兩賢之其後詔徵經學總督黃文襄以松崖薦亦雅公所推轂也

善哉行

富貴可樂不如神仙文章雖美不如金錢解一得志何常貴在

乘時騏驥蹶躅駑馬先之解二舉足宜慎臨淵履冰志士守貞

憂心競競解三去日苦長來日苦短河流箭疾時不可緩解四讀

書味道耕於南岡知足不辱庶幾安康解五

示兩兒

初冬可讀書披帷對月影困窮亦何常天意默示警所期在  
遠大忘此清夜末經義纂孟荀如汲得修鞭擗辭茲繆悠百

家足馳騁蘊輝珠處淵含英金在礦世人競目睫欲語還如  
哽但求寡悔尤焉用名炳炳

馬拔厓間過柳坻重行已吾家舊遺經先德盛積累黽勉無  
異營頗識剝復埋中歲偶行游致汝業漸弛我無一頃田經  
籍足耘耔義理苟能通出處有根柢醫藥與貨殖困窮亦可  
倚吾生少失學垂老方知悔展轉力就衰炳燭思曉起努力  
愛景光汝曹從此始

月夜黃姑灘露坐東山中一二知己

懷幽路轉紆領異行復卻寂寂黃姑灘波光動林薄臨流潏  
芳芷月向懷中落露下不知寒空巖鳴獨鶴坐久發微吟覽  
物感離索美人渺何許吾懷向誰託

還舟西津回望支硎天平山色



迴舟指西津水淨寒波細卻顧所來路峯峯隔雲際昨日別  
山阿今朝復鼓枻渺渺青芙蓉欲去還含睇重岩烟未沉遙  
山樹如薺何當復來游咫尺悵迢遞

王將軍劍歌

神物鑄成千將手三尺蒼龍半夜吼七星吐燄燭銀潢魍魎  
潛藏白猿走將軍匹馬來疏勒手握寒光邊塞黑贈將海內  
有心人風吹一片無情色半行籀文不可認血花點點荆卿  
恨平生慷慨思報恩尊前睚眦何須問

題黃山圖

黃山之高高插天三十六峯橫雲州陰晴朝夕歟變化畫師  
無數誰能傳須江朱子本奇士爲愛黃山入山住興來拂素  
一寫生筆底如有靈山助蓮花天都何崔嵬咫尺之間萬象

閒魚嵯巖石盡奇狀飛泉倒瀉青莓苔此外奇峯三十四高  
低隱現無倫次紫石朱砂峯色殊拍點丹青恣遊戲山風習  
習山霧昏昏淋漓潑墨俱無痕雲翻滄海濤崩奔猿吟鶴唳杳  
莫問蒼岷古木一氣不雙手展卷不敢捫更恐虎豹深林踰  
寒瀑萬壑長松根側見仙人倚吹笛欲往不得傷精魂世上  
喧卑那可道振衣我欲茲山老請君放筆爲我謀一椽寫向  
何峰好

晚菊

迎冬方吐艷籬下竟誰看豈敢傷遲暮何妨歷歲寒孤懷原  
淡泊獨立未凋殘遲爾風前落騷人佐夕餐

懷陳處士陽山

老臥天池嶺寒松骨共蒼人如陳仲子詩是孟襄陽有女尸

蘋藻無兒受縹緲風流今已矣忍更過書堂

懷葉荃園黃山

黃山好山色三十六芙蓉以爾煙霞侶高居第一峰松圍秋  
屋雨雲度隔溪鐘我欲搜奇蹟憑虛駕白龍

送方望子還歙縣

千里新安路君歸別思賒江舩搖夜雪山驛繞寒花負米荒  
城遠看雲古樹斜相逢舊隣曲欸欸話桑麻

旅舍喜逢故人

相別情難已相逢話較多關河同涕淚出處各風波棲隱知  
何地懷憂且放謫無絲及青鳥長食玉山禾

范文正公祠

石筍排空山骨清范公祠廟儼崢嶸獨從天下歸憂樂尙想

胸中富甲兵  
晚穗迎霜遺  
斷隴寒烏啼  
月傍丹檻

先皇

送人之邳州

送子臨歧濁酒傾獨騎羸馬渡河行楚州雪霽延年里淮海  
風高下相城地勢荒寒稀見雁霸圖寂寞罷談兵橋邊黃石

鄭廷暘

字嶠谷長洲人監生有紺珠堂稿

蒲謁山房詩話。嵎谷爲李雅先生。子書法。諸中令小楷尤工。與子書流注來。筆作蠅頭小字。而銀鉤鐵畫。出力藏鋒。同時如蔣蟠島仙。根鉉思。傳襄。皆不逮也。詩卷無多。蔣文肅公稱其姿致無雙。如雲和殿柳三起三歇。陳微君撰。稱其意到語工。自然高遠。今所錄十數首。爲其生平最佳之作。

金陵拜方正學先生祠

讀書抱大節刀鋸豈所憚先生聖人徒乃爲烈士冠經潛

溪門卓犖事柔翰立言金石堅矢志星日燦  
聿當開創初旁求棟梁幹兩朝侍累愚休明  
賴襄贊詎知輦鼓來朝臣且魚爛草詔不爲  
屈正辭責背亂寸磔少完膚十族死奚算  
稟矣百鍊忠千春白虹貫荒祠長干側夜夜  
子規喚網絲垂四字蒼鼠走空幔儼然見  
孤像再拜起三嘆風馬從雲車應笑滄  
桑換攷古覓殘碑橫塔蝕落蘚

九日與嚴大策馬出德勝門由西堤至玉泉山登高  
作

城西山色青嶮嶮愛之入骨無由登今朝忽遇重九節解意  
况有同心朋走投小巷叩君舍出郭兩騎相驂乘荒塗昨日  
風雨後泥水活活盈溝塍懶行驚馬畏鞭策原隰高下猶龍  
騰須臾間盼村落遠長隄俯瞰秋潭澄嚴霜未降草還綠疎

柳萬樹垂鬢髻經過好景正滿目不覺迎面烟巒層年來辭  
家走京邑染衣塵土時堪憎茲游若在這圖裏蒼翠觸眼多  
非恒龍山往日擅奇絕安用對此形誇矜阮生雙屐辦已久  
攀援直上扶枯藤振衣絕頂恣憑眺日色慘淡烟光疑長林  
叢木漸凋脫時有馳突聞呼鷹舉眸何處望鄉國客心悵悵  
愁逾增景公徒蒙後人訕牛山涕泣名誰稱眼前墟墓積荆  
棘羊虎傾倒何王陵豈保鼎鼎百年內爾我攜手頻相仍晚  
鐘近出山下寺更踏亂石尋居僧繞門黃葉落幾許空梁欲  
滅琉璃燈佛前稽首稍共憩斜陽隱現明觚稜呼童從此問  
歸路莫待東嶠寒蟾升

江上夜泊

夕陽西墮近黃昏江渚維舟傍樹根水底雲開浮月色灘邊

風過長潮痕老僧喚渡欲歸寺小犬吠人何處村今夜獨眠  
思舊侶自應銷盡客中魂

返照

舉目山川動客愁生涯蓬轉只悠悠微雲乍過隔溪雨返照  
忽明何處樓逝水幾曾憐鬢髮吟情惟是愛林邱阻風中酒  
年年事搖落江村翠竹秋

無錫道中喜晴即事

柳色春堤碧似烟春流兩漿泛吳船正愁雨細風斜後恰到  
浮嵐暖翠邊擁鼻漫吟鸞尾句滌甌徐試惠山泉少陵書簾  
如指賣此處堪求負郭田

暮春偶作

九十春光已漸闌濃陰一片晝漫漫無多點雨濕芳徑第幾

番風吹曉寒纔見柔條舒岸柳尙教密室護盆蘭過時未布  
東皇令正恐農家二麥難

題畫新梧清晝景

春盡高枝葉漸添薄雲纔送雨廉纖戎葵欲放荼蘼謝一院  
清陰到翠簾

題汪近人春深臥雨圖

竹雞啼雨濕重嵐看千林綠正酣卻憶小樓簾不卷杏花  
時節在江南

王岡齡上舍邀游江村園居時屆秋仲桂花盛開是  
日至者爲翁霽堂徵君吳竹嶼學博沙白岸葉義山  
王述庵曹習庵朱適庭張崑南王存素諸同學

壺嶠仙人舉手招蓼花波影路非遙榜人笑指垂楊岸泊到



紅欄第幾橋

西風吹綻小山妝滿院幽香自不同好譜廣寒秋一曲夜深  
來聽月明中

北海今朝識面初掩關懶雅樂吹漁牙鼓三萬鈞簾坐猶覓  
人間未見書

林壑幽奇位置新不容金粉掩天真清暉娛處詩情澹自是  
停雲畫裏人

舟行得絕句

一葉扁舟上水遲頻年客裏鬢如絲不堪更聽吳娘曲恰是  
瀟瀟暮雨時

金農

字壽門錢唐人布衣有冬心先生集

蒲楊山房詩話冬心性清遠峭世多以迂怪目之然遇同志者未嘗不昵怡自適也嘗約其四十七歲小像蒲州劉仲益題云堯外臣漢逸民著特章帶不帶負疎得高頌全天真其標格可想見矣中歲爲汴梁游徧走齊魯燕趙秦晉楚豫卒無所遇而歸寓顯平五十如王溪生打鐘地爲清涼山行者晚寓揚州黃齋對以自給書畫入畫錄宋之國山及大鼓神識兩碑畫梅尤工頗自矜許然爲子以酒者多至十餘幅今廣陵武林收藏書畫家或未能有此也

### 宿焦山

縹緲松寥山積翠下無路風簾鐘微茫鶴噴雲散聚如聞定  
中僧禪窟勸小住牽月濯巾餅江光漾高樹

### 畫蘭竹自題紙尾寄程五鳴江二州炎

寫竹兼寫蘭欹疎墨痕吐一花與一枝無媚有清苦擲紙自  
太息不入畫師譜酬人分精粗妙語吾所取鈴以小私印署  
名隸書古半幅懸空齋色香滿巖塢隱坐整日看冷吟獨閉  
戶飲水張玉琴斜陽忽飛雨

### 吉祥寺泉上十韻

新霽來山中精舍騁游眎始入灌木陰稍深緒風善維南豁  
平疇極西聳浮巘靜雲一族居幽澗衆流行汎出浸淺莎濫  
時破重巖滴滴靈液華涓涓連珠演手斟不亂清口飲有廉  
辨卽此澹交訂君子意非外惜哉無名繻緣塵門茶苑明朝  
續水緣石鼎攜松筮

吳中春雨泊舟入夜寒甚被酒作歌

春雨打篷雲冥冥篷底聽雨泊遠汀十五五長短亭好山  
對面失洞庭野梅縛棘香零丁疎香灑玉飛瓏玲苦寒喋痒  
夜不寧水際一燈如孤螢照書冷燄光星星傾三百杯影勸  
形滋味濁清辨渭涇醉來荒唐啞楚醒伴我臥者空酒瓶

臘月二十四日江上無事因出家醞要諸鄰翁小飲

曾讀逸民傳南邨舊隱淪清江圍屋樹寒雨對牀人歲宴藥

苗路花間酒國春依然敦漢俗祭竈請比隣

懷吳門陸嶠

公子美無度讀書吳郡間門留鬱林石牀對小雞山終歲淹  
秋駕何時綴玉班殷勤通旅夢細雨穆陵關

東岡之下老屋三楹陳文貞公讀書處也子嘗遊憩  
其間懷企有作

秋氣歛虛館東岡生道心林疎風脫翠山暗雨添陰既有出  
烟磬復多遊渚禽六時喧寂意欲繼謝公吟

初秋養疾樊上

巖居養疾遠郭壘樓朮多于粥飯緣秋澗曲流喧枕上槐花  
一寸積門前未忘舌本思今日尚損腰圍似去年雲笈珠林  
從妙悟絕勝騁衍其談天

請庶滋上人齋堂蔬飯望中條山

久從初地得皈依紺宇精嚴一欵扉孤竹瘦於尊者相野雲  
白似道人衣何曾心地妨禽鳥且向齋堂飽蕨薇試上毒梯  
腰腳健中條山色見纖微

馬 曰增曰璠兄弟招同王 岐余 元甲 江 眞 鴈 鶚 閔 畢

汪 沆 陳 皋 集小玲瓏山館

少游兄弟性相仍石屋宏招世外朋萬翠竹聲非俗籟一圭  
山遠見孤稜酒闌遣作將歸雁月好爭如無盡燈尙與梅花  
有良約香沾屣席嚼春冰

秋夜鮑明府 鈔 攜酒就劉郎泊小酌與姚 世鏗 同過

秋夜秋池幽且媚涼鷗涼鷺五湖天水明于月空同夢樹老  
如人又十年散髮賀循言可聽啣杯謝蒲蹟堪憐劉郎泊記

思前度好續吳興掌故傳

南郭

連圻重阪近幽棲  
菜甲抽青自灌畦  
剛得天涼三日雨  
秋光如水草蟲啼

曉登煙霞嶺  
歷水樂洞轉憩慧日精舍  
覓壁上題名  
汎湖而歸  
雜書三首寄昔年同遊王  
熈周京司直金  
志章厲鶚汪潭臺諸朋好

霧縠雲容翠熾寬  
此間濟勝若驂鸞  
野梅苦竹無人見  
破曉冰霜各自寒

烟林葉盡聲如掃  
山鳥日高啼已空  
獨立吟成有誰和  
一方寒玉水丁東

蛛塵蘚墨認依稀  
悵題名身世非  
坐對諸峯浸湖面  
黃妃

塔下放船歸

新編拙詩四卷于白鈔錄付女兒收藏雜題

天涯詩老浪相稱  
根觸清愁歲月增  
一糴今成五湖長  
酒波如練雨如澠

卷帙編完頭髮疎  
中郎有女好收儲  
帽箱剝落經籠敝  
莫損嚴家餓隸書

詠邱氏古樹

前輩風流一草堂  
舊家松柏話勾章  
歲寒自有諸孫守  
不數成都八百桑

沈之亮

字咨采高郵人子業富有雪月生涯集

落花詩

多少繁華曲未終一年容易費春工爲憐青眼移時白不見  
朱顏舊日紅乍拂遊絲還着地欲霑泥絮更隨風偶然何必  
分茵廁惜後應知色是空

萬點風飄一片飛年年三月送春歸再來門戶封塵網重到  
園亭剝落蠟滿地綠陰雛燕老半溪紅漲鰕魚肥等芳辜負  
隣翁約青草柴門獨掩扉

亂紅堆砌奈愁何辜負韶光九十過謝客恐妨侵蠟屐問津  
端擬覓漁簑江淹賦別才應盡潘岳逢春恨轉多太息美人  
隨逝水蜉蝣生死暗消磨

春來早起困書牕幾度呼童懶不磨燕剪枝頭裁片片馬蹄  
門外踏層層分封香國青爲帝城度空華老悟僧寄語深閨  
遊子婦高樓無事莫頻登



陳皋

字江皋號對鷗錢唐人貢生

自蓮花池舍車步至天城寺

舍車理簷石路盤谿陟朝瞰在溪門斷崖露削爪冰底啼  
陶瀨宛轉行修蛇兩山裊肘腋徑轉開衙衙翠屏駕香界萬  
萼青蓮花平生泉石心於此興更賒禮佛向白足幡影揚寶  
珈

晚自歡喜嶺取道西峰樵徑而下

松風吼澗音譜月西嶺帖山僧道我行取徑何嶮嶮側身穿  
石門荒榛罽衣被崩崖鬼面皺暗雨莓苔浹下臨勢不甯有  
似冰帶疑壺子濟勝強騰身自誇捷同人怖無言予亦屢回  
怯稍見祇樹林禪燈出香葉仰面千仞巔翠色與天接不知

一枝藤雙足何由躡

登挂月峯絕頂

茲山北戒雄浮圖聳其上蜿蜒轉 神京元氣淋漓王東邁  
礪石遙西與太行抗長城一線分海水杯中釀微茫十六州  
幾點蒼煙漾竭來據上頭縱目四無障白雲在其下青鳥不  
得向況彼塵世間昏曉自殊狀日月探兩九天風逼衣纔何  
來浮邱翁乞以蒼龍杖揮手謝同儕吾將躡瀛閭

吳燭文

字樸存山陰人貢生有樸廷詩稿

游硤石山青蓮寺

頭頭止見山初入疑無路行腳屨前猛曲折乃畢赴精進毋  
憚遙仄徑鮮窘步怪峯高折雲寒氣慘集霧小松掛層崖五

粉紛無數天光見不多悉爲險阻據最後得石門安穩遂平  
度豁然淨界開如遙忽頓悟當陽結精藍紺碧輝雲樹峰房  
綴千寮虎牙磔四怖中有青芙蓉柑萼玲瓏具何年天風吹  
墮此冷然御其麓遶丹泉危磯激吼怒遠公擲筆臺流傳所  
乃誤直廬真面目名同寶難附摩詰本無言涅槃底用注殘  
僧如猿狖但知拾橡實禪理誰與談勝境我幸遇咄哉賽社  
人競登臨山去

曲陽孫瞻崖明府掘地得晉王李克用書安天廟題  
名碑

陰風撼樹飄靈旗山鬼吹火燒叢祠沙背崩壩露圭角榮光  
下閭埋豐碑孫君嗜古負奇癖摘撫金石靡孑遺石鼓遙辨  
遶曉字金薤高婉親軋詞栽花曲陽有餘暇命工掘地乃得

之剝泥剔薜見古刻傳自唐末僖宗時隴西郡王忠且勇中  
山告急親援師道經神廟躬禱饗凱旋賽神神格思司空偕  
行名忝附大書勒石盤蛟螭歐九作紀軼此事不學合受原  
父嗤有唐晚葉事百戰文人失職悲流離鴟張鯨突鳳凰死  
文筆亦復歸鴉兒昭陵玉匣那可得韓陵片石逾瓊瑰依倚  
顏筋并柳骨孫君寶此勿復疑嗚呼孫君寶此勿復疑屹立  
直退千熊羆

陸蘭圃古劍歌

昔觀周生說劍圖厥衣短後纓曼胡看畫角驚神色玉光乃  
寶物懸庭隅龜文龍藻光黯黯莊留桓蔥價俱滅陸君何處  
購得之石可中分蛟可斬行年四十走風塵磊砢昂藏八尺  
身與酣斫地自起舞風雨馳驟驚鬼神我聞幽燕游俠子懷

慨願爲知己死，悲將櫬具報恩仇。葬近要離塚，卽喜君也謫。  
書氣浩然禮干義，櫬無與前恩耶仇。耶平等視所恨不逢張  
茂先，陸君酬爾一杯酒。拂拭無勞長在手，匣中虎氣任埋藏。  
自有光芒射牛斗。

扶衣玉刀歌爲朱浣桐方伯賦

維玉爲兵傳古昔，後王德薄易銅鐵。耶溪旣涸華山空，百鍊  
鋒芒在無缺。此玉原爲溫潤姿，良匠雕鑄異環玦。中有刃  
剖始呈，髀外流輝襲。難滅一髮晶光，冷射人詎比鉛刀供小  
割。聞諸帝后御衣裳，用以抹腰無摺襞。不知幾度近山龍，一  
落風塵尚貞潔。自公購得長護身，入水不濡火不熱。千年寶  
物會通靈，豈逐烟雲歸變滅。宋家玉斧畫河圖，大渡遐荒外  
有馘。勞正元時刻會陳明堂，丹陛凝寒雪慨自滄桑。世代更

沙漠牟駝等飄瞥此刀猶幸在人間黼黻瑞珎兩淒絕吁嗟  
公平慎毋褻玉恐傷殘刀恐折善藏鏤鐸養精明避攝六丁  
窺太乙

黃素堂觀察五十初度以朱竹垞老人井田硯爲介  
爰賦長句以代嘏詞

造化韞奇石長壽端溪潛璞尤純堅義取諸井琢成硯水木

滋氣耘書田厥銘製自竹垞老

銘云小而風田之  
容耕不盡年長豐

結隣曾與相周

旋曝書亭前八萬卷丹黃甲乙勞磨研伏勝傳經歲九十三

食脉望謬神仙我來晉陽攜作伴汲深繡短瓶徒牽黃公乘

節蒞茲土勞農勸相燥經權剛中更具教養德心如止水澄

波漩春秋恰符大衍數葛蒲九節開華筵鄙人進介乏長物

用以此硯申寅虔從來石交能耐久况取井養無枯偏此硯

在公猶在我無得無失何推遷祝公並受明王福有收勿幕  
字涓涓汾水春波足灌溉黃河秋信防淪漣仁人利物不改  
邑會看萬井壽豐年

德州

斜日陵州渡驅車有所思杜亭無往蹟董子有遺祠春水魚  
爭上昏林鳥下避香風吹墨露問意覓青旗

陸青來見過次韻

濕雲濃霧曉難開剝啄曾無舊雨來舉舉江南重見子涓涓  
天下孰憐才桐枝乍折無鸞集艾葉如張有雉媒向後升沉  
何足計是非都付掌中杯

馮清輔枉顧

經歲羈孤歎苦辛塊然也覺自嫌身親朋遠別無多字患難

相看有幾人渺渺烟波愁北渚年年風月負東隣毀車殺馬  
從今始好向汀洲采白蘋

春日晤廣陵唐再可

歸燕東風作隊忙相逢燕趙話悲涼雨中春色隨流水月下  
鶯聲憶故鄉塵土難畱騎鶴侶烟波擬買種魚莊幾番洵洗  
青衫淚又爲唐衢泣數行

賀周石帆學士納姬次符葯林韻

名香百和夜深含好作同功上箔蠶應笑香山垂老別欲翻  
貝葉住精藍

銅街十二駕鈿車蠟炬迎來鬢影斜定向筵前親捧硯吟成  
先飲玉蓮花

趙虹



字飲谷嘉定人布衣

蒲褐山房詩話飲谷遨遊幕府久著才名間與厲樊榭翁酌火查蓮坡諸名士唱和惜老而無子依其姪于吳市中葺一室爲小吳船來訪者邀至茗飲子與樊榭徵君定交于此生平能詩工詞兼善駢體殫皆散佚故所存詩止此其寓竹西亦久常主許際蒨生家其序蒨生槐墅詩鈔極爲婉麗

揚州

淮南名郡最繁華烟月重城百萬家豪客春衫九鬢馬佳人  
冶袖七香車雷塘有塚生青草板渚無波墜白沙莫唱江南  
舊時曲銷魂愁見落楊花

岳王墳

恢復中原誓不難靖康何意竟偏安渡江帝子羞泥馬賣國  
封書秘蠟丸忠鯁旋聞疎趙李英雄况復失張韓六陵陵樹  
冬青盡只有南枝尚薄盤

戊午七月自大梁東歸感喟成詩用以自贈

飄零淮楚踰河朔轉徙幽州更大梁迢遞關河雙去雁古今  
歧路幾亡羊時無燕趙悲歌士坐有邯鄲挾瑟倡但得翠娥  
深勸酒不解酩酊罄清觴

問訊滄浪舊釣磯樵兄漁弟共相依眼看西北高樓遠心逐  
東南孔雀飛園吏好尋濠上樂丈人已息漢陰機浚郊不用  
弓旌辟自署中吳老布衣

湖海詩傳卷十二

青浦王 昶德甫輯

張錫爵

字瞻伯嘉定人貢生有吾友于齋詩鈔

蒲褐山房詩話瞻伯詩中規矩風流雅不失先正典型自陸菊隱孫松坪諸老云祖優游窮必以吟咏發其性情同時莫逮也迄今六十餘年而壯屬維斯古香映几深衣大帶猶彷彿遇之曾孫珍會點聲壘壘美江潮知其貽謀者遠已

月夜過靈鷲上人院

小院垂烟蘿宵涼露微白杖策獨幽尋月明見行蹟孤燈照不眠中有忘言客開門聞妙香依依話秋夕

題吳漁山雪景小幀二首

積雪埋孤村空山靜寒夜幽人應未眠疎簾竹間下隱隱壁  
留燈經聲出茅舍

遠岸玉塵崩長空華月凍木落天宇寒  
宿鳥清無夢遙見釣船歸濛濛水雲動

萬壽寺華嚴鐘歌

今改爲賢生寺

城西七里前朝寺銅鐘如山土花漬唇吐三千寶地音背蟠  
十萬蓮花字九重願力超人天點畫波捺何翩翩六丁呵護  
霄電紫羣真下讀慈雲鮮靖難功多新鬼哭銅山搥破鐘成  
速龜茲樂奏勝幡飄雙樹光涵少師禿鐘高三丈腰圍豐君  
王笑錫公侯封南山伐木栢廬壯照耀慧日何瞳瞳鼎湖龍  
馭排雲上神物淩清險經轍仙梵禪燈歷九朝特勅移來地  
蕭條萬牛圓首千夫馳華榱巨棟光參差鬘花感夢聲沉夜  
銀草搖風曉擊時聖孝原承文母命六僧日供齋筵淨雪蘿  
天半紫閣寒潮捲津門塵世醒文皇黑業豈能償神廟垂衣

祚自長洪鐘靈應迎維力金地千秋象教彰前年繫馬鍾山下  
靈谷蒲牢眠斷瓦云是高皇東序鏞金川破後無人打

明宣宗御筆子母雞圖

上有勅賜內  
監王進等字

雄雞掉尾高參差羽毛颯颯蘆花吹青蟲入口尙天矯丹頂  
倒泥珊瑚垂牝雞張口拱而竢二雛仰母求其慈二雛爭蟲  
競延頸一雛啄地偏委蛇一雛上背一雛伏注目總與蟲爲  
期斜陽欲沒影荒淡細草亂茁青猗猗二雛七子各異態雖  
有佳手誰能爲安樂已平交趾棄萬機多暇閑相嬉含毫吮  
粉若無意點染忽出胸中奇宮娥遙看貴妃笑內臣拜賜踰  
珠璣三百年來事灰燼此畫獨壽堪咨嗟晴窗漫展豁蒙翳  
題識隱隱銀鈎欹得之象外洵無問子母合繪良堪疑君不  
見長門寂寂僊師閑無子君心更誰記

湖海詩傳卷十二

明景帝廢陵

秋風十里吹荒陵，繚垣歛斷莓苔青。  
停車覓路夕陽亂，淒涼寢殿枯松鳴。  
土木之變良可異，倉皇北狩關王庭。  
廟謨國柄知不惜，舉身委振何其輕。  
長君弭亂社稷重，議和遷國徒營營。  
列宗二祖養士報，司馬號令行雷霆。  
精誠動天戰士泣，咄哉委任由君明。  
建炎踐祚宗李在，何爲不返冰天行。  
東安門外舊君入，握髮出走安郊迎。  
紫袍拜舞臣子事，南宮朝賀家人情。  
皇儲既定邦本固，沒寧生順千年名。  
事不出此戀天位，束刀繡袋多疑驚。  
綸辛同受杖亦何罪，一朝伐樹緣高平。  
完德良難吁可悼，奪門之費安旋生。  
當時惡謚誠太酷，殺禮營葬無人爭。  
我來况逢劫火後，野燒漠漠連岩厓。  
歛歛弔古不忍去，回看纖月升林坰。

送人歸包山

執手未能別  
哀蟬還自吟  
涼風一夜雨  
秋滿太湖陰  
歸夢日以遠  
烟波況復深  
願爲天際月  
流照最高岑

翠微寺

迢迢翠微寺  
一徑入寒烟  
樵路秋山雨  
僧房古樹蟬  
蒼藤垂砌外  
飛瀑落階前  
啜茗閒窗坐  
浮生意渺然

劉龍洲墓

大布衣無愧  
小朝廷可悲  
渡江揮涕日  
詣闕上書時  
千載留殘碣  
何人復古祠  
顧湄今不作  
惆悵立山陲

太倉顧伊人欲鳩同志爲復舊祠而不果

臥佛閣

飛閣俯千峯  
遙遙見山麓  
高臥不知年  
歸雲夜同宿

河渚

月落河渚涼面面烟波隔何處起漁歌天空羣花白

王爾達

字通侯嘉定人廩生有虛亭吟稿

蒲褐山房詩話先生同鄉詞業七世孫大生孝廉之子性廉坦易適懷樂善多聞舊事爲門弟子談前言往行袞袞不休詩亦如之予與鳳喈同年而先生呼爲小友每語山肺肝相示和氣所薰至今思之猶坐春風中也

閒居

客裏歸來日匆匆已二年詩懷緣病減酒量趁愁添屋小惟容膝囊空不貯錢故園行樂處風月浩無邊  
僻逕蓬蒿沒卑棲耳目清寧爲無事飲恥作不平鳴覓句拈枯管繙書愛短檠蕭蕭庭畔竹共有歲寒盟

春初雪不止

江鄉臘盡欲回春雪共春來又浹旬攬鏡漸悲青鬢改對床



猶喜白頭新地爐溫暖添薪火漁艇蕭條罷釣綸何日凍消  
梅意動攜柑貰酒趁芳辰

和曹來殷歸省述懷之作二首

鵲噪枝頭散曉烟軒車枉過敝廬前故人暮景成三老才子  
芳旋記十年欲訴舊愁如宿夢幸逢乞假暫歸田耳邊蟻門  
何曾歇耳疾只恐高談聽未全

編籬折柳圃添樊雨雨風風過幾番親健正思追洛社君  
恩未敢戀邱園筐鋪細蟻蠶初子簪解新龍竹有孫風物鄉  
關原最美得閒愛殺閉衡門

雙清閣落成追悼南華先生

朶殿揮毫信手成頭銜管領是雙清杏花春雨江南夢空寄

相思虞伯生

先生乞假南歸  
棲居天津病歿

構造皆由清俸餘雲飛畫棟麗  
天書閣成先赴修文召香  
案仙班別有居

王 懔

字存懔太倉人諸生

蒲陽山房詩集存懔爲縣客廩廩曾孫觀臺侍郎從子而畫筆蒼深雄秀兼擅其  
長詩法錢劉詞宗姜史極爲沈文憲公所賞爲子畫三柳漁莊春夏秋冬四幅見  
者疑爲古人嘗爲金竹寫寒山雅集圖十四人文慈及定宇後名皆在存懔寫景  
張彬如寫照時稱絕子亦諸生早歲學佛受具於華山遂居樵橋不却所終

倣劉松年

油油原上草游游澗中泉幽鳥啼一鳴遠邨帶朝烟新綠漸  
稠密落紅餘芳妍柴門閉深陰草閣臨春田煩囂旣云隔幾  
巧亦復捐於焉嫌心賞自埋風中絃

山寺獨游仿夏禹王筆意作圖題此

漸離塵世噴遂造招提境梵唄清道心禪花照潭影情忘不

知遐趣澹默自領暝坐松下風夕陽度秋嶺

漁父圖做李晞古筆

漁父秋江上乘潮泛釣船得魚沽白酒晚酌荻花邊

梅花書屋做郭熙筆

長林繞屋幾千枝想見幽人靜對時小閣春寒香雪裏半簾

疎雨坐題詩

蔡璣

字文舟昆山人貢生官含山縣訓導

補編山房詩話先生居縣之黃墩東距嘉定安亭四十里蓋歸震川顧亭林所居故先生之學私淑於兩公爲多性質慤樸嗜欲教人以盡倫篤行讀書好古爲道爲已任諸生聞其言往往感激愧厲至有泣下改悔者居五年以老致仕歸臨終爲文以戒其子曰余碌碌無能碌碌自守暇百年之虛度鮮一善之可稱壯歲飢寒言辭拙于其報殘年吏隱筋力衰於當官上有牽於光前下無謀以裕後移家近市遂弃先人之敝廬抗顏爲師未究肯賢之詞與之於場屋其又奚尤辱在泥塗分固安爾而復徒久生於世是爲幸民竟膺中壽之期尤慙仁者哉以大分自

眼與世長辭雖天壽之殊形要於不貳既死生之一致夫復何悲似露將歸如蜩  
斯化啓手啓足髮膚幸幸無傷附身附棺誠情何嫌於薄虛文無益末俗不經俱  
應扣除母嫌駭聽倘旁觀未喻以爲子道有虧可取遺命示之更有闕者平生苦  
志爲文懷心絕少至於酬和間有詩章尤屬支離見強大雅流俯笑豈我拙劣先  
他所有留題空表弄故詩文  
多散佚者孫之垣哀爲一卷

留別環峯紳士

晚歲羈微祿婆娑鬢雪深長貧甘吏隱多病忝官箴鄉夢縈  
舉塵朋簪謝泮林遙知故園月千里照歸心

憶昨辭三徑攜家上一船悲銜毛義掇坐久鄭虔璫請肆樓

公廡香燈侍昔賢

含學無訓導衙舍寄學環峯書院內  
有案備定次游予未主春秋家記

那堪無仕日已是

乞休年

十月下浣在漕溪正覺寺講約因留信宿賦贈智公

上人

捧檄來蕭寺晴和及小春上方瞻氣象近市隔風塵講席朋

簪盞寒瓊佛火親遠公煩貯酒半偈悟前因

西禪堂卽事

鄭虔歸白髮筆研已封塵愛此筠牕淨悠然佛火親茶瓜隨分足花雨逐番新莫問長生訣憑君聽未真

和曹聖淵冬日書懷

日御元楊斗柄廻竹君梅友共追陪寒消元亮杯中物暖熟昆明劫外灰身未許人因有母容爲悅已怨無媒西山舊約平原隱茅屋三間水一隈

葛景中

字運乘號若湖崑山人貢生官來安訓導

蒲褐山房詩話先生明大常卿錫爵之後遷居青浦縣街鎮寓圓津禪院教授諸生爲詩學溫坡韋莊句如閒居賦就霜凝鬢夢友詩成月滿梁無事且傾婪尾酒有情休續斷腸詩錦囊句好題新畫石鼎茶香讀異書尚有故交留白社更無殘夢到紅樓涼思乍添前度雨老懷重感去年秋皆冷然可誦及卒同邑劉門口云

其事畧入玉

山人傳中

### 九日澱山登高

何年一拳石踞此  
靛湖濱邱壑無多地  
登臨有幾人  
吹花餘暖節  
落葉伴閒身  
莫送憑高目  
秋風易愴神

### 東庵

爲趁東皋履行吟  
興未央半灣溪水碧  
滿院木樨香  
寺僻荒蘿徑  
僧閒閉竹房  
秋風吹短棹  
歸思入斜陽

### 秋懷

青鏡年華不暫留  
西風又惹鬢絲秋  
三春畫閣憐巢燕  
萬里滄波羨海鷗  
明月自臨芳草渡  
好山多上夕陽樓  
側身孤望成寥落  
手把琅玕詠四愁

### 金陵舊曲追次東籬另氏韻

誰言春柳章臺路只抵秋烟黃葉村玉笛清歌憐別館金釵  
巧笑憶當門斷鴻落月秦樓夢倦蝶疎花楚岫魂建業西風  
人易老白頭天寶話愁痕

紅橋無復認桃根萬事傷心烏夜村蟬噪夕陽臨故苑鳥啼  
深樹傍誰門悲殘崔護來時面銷盡江淹別後魂剩粉零香  
今莫問昆明何限劫灰痕

金粉縈華白昔論家家春色葦蘿村魚鱗碧瓦花園屋雁齒  
紅橋柳捲門鸚鵡珠簾朝學語海棠銀燭夜銷魂而今秋冷  
江城月只有青衫惹淚痕

辛亥生朝感興

蓬累年年負壯圖相逢剛得阿蒙呼東方自昔常求米南郭  
於今且據梧未必成名非豎子尙餘故態似狂奴出門一笑

羊腸曲馬齒空憐老識途

沙維杓

字斗初長洲人布衣有耕道堂集

蒲褐山房詩話斗初與張崑南皆居下津橋自號兩布衣斗初隱於商來往江西湖北間長髯巨額如酒豪劍客詩亦多悲壯激發之音崑南隱於醫豐頰紅頰神清怡曠間好古琴詩亦多清和閒適之趣兩人性情各別而好吟咏則同皆爲吳金晉所契猶似開穆呼朋命展廢不與兩人共之嘗刻爲二布衣集今下世已久詩板亦不復存矣

宿四宜堂

梵宇敞湖天宵深風露冷澗松奏羣籟崖月逗孤影樹近俯  
鶴巢燈遙辨漁艇久嬰塵世喧暫喜招提靜半偈雖未持衆  
妙先已領多累愧向平無營慕宗炳支枕不能寐浮生歎俄  
頃

登中峯寺訪念亭上人



一雨衆芳歇綠陰佳霽初擾擾心不間久與林僧疎茲晨踐  
舊約取路忘崎嶇杳冥入蒼靄忽得支公廬叩門興非一握  
手歡有餘蔬圃半藥草禪榻多儒書吾生愛靜便捨此將焉  
如夕照歛梧竹歸鳥喧庭除淹留出寺晚惜別還踟躕

同張崑南王蘭泉曹來殷自華山夜還宿靜菴上人

精舍

上方鐘動初潭壑興寒霧不知微雨來靄然中林暮歸鳥相  
啁啾暗泉互奔赴藤枯難屢攀磴危少安步松際漏月光照  
見山下路回憩高僧廬愉悅論往素慮澹息衆緣心清得微  
悟龕燈明夜闌喟焉起遐慕

漁浦潭

起視越江湄磊落晨星朗舟子貪兼程聞雞撥蘭橈宿陰曉

尚屯信潮寒未上森森岸嶠高漾漾川路廣急湍多迴流迅  
飈無停響探奇矜遠涉踏險怯初往界峯雲溟濛赤亭樹莽  
蒼壁險猿挂藤水清魚避網緣源去安極遐眺益蕭爽暫違  
塵世喧聊資烟霞賞

題姚雪軒吳山晴翠圖用東坡書王定國所藏烟江  
疊嶂圖韻

棗花初落辭故山舊游回首空雲烟嚴冬蕭條變草木披圖  
風景還依然但見千山嵐翠各奔赴懸崖百尺噴飛泉晴光  
雨色互窈窕捲簾雲樹疑斜川板橋茆屋宛村落雞棲豚栅  
當門前石梯盤空度木杪增鈴風鐸喧諸天烘雲染霧妙點  
綴一邱一壑皆清妍忽思吾廬何處是不歸久廢山中田蹇  
驢烏帽走塵土未若此地耕鑿終殘年空谷采薪山寂寂石

潭汲水雲娟娟攜琴坐待月上飲醉倒白愛松根眠帝鄉縹緲無夢到回首已謝蓬萊仙雲轡半幅寫歸思青鞵布襪須隨緣歲寒桂樹恐零落作詩聊繼招隱淮南篇

宿中峯寺

丈室層霄外明燈坐夜分星河澄霽壑鈴鐸語寒雲問法依支遁論交愧領軍境空心更寂花露滴俱聞

江夜

半落荒江夜星霜歲欲周枯桑出野火凍浦斷行舟莫問馬生銹空餘季子裘臨風獨搔首哀鴈下汀洲

潤州夜渡

山扼中流險潮迴北渡難魚龍深夜寂星月大江寒泛泛憐維繫茫茫集百端嚴城吹凍角淒切向南冠

泊蕪城

此夕蕪城泊鄉心更黯然夜燈江口戍寒雨楚人船冷落愁  
孤客飄零感暮年荒雞一再鳴擁被未成眠

邗溝道中

短晷西馳疾長淮北上遲岸高崩積雪船響犯流嘶烟火謝  
公隸松杉董相祠賴多陳蹟在憑吊一吟詩

過燕子磯

削壁臨千仞征帆日去來雲端盤鶴樹杪出樓臺岸圯隨  
潮走江喧觸石迴白門懷古地繫纜重徘徊

松滋送友人歸

北風吹雪灑征衣匹馬衝寒汝竟歸短鬢獨判淹澤國尺書  
須仗達柴扉楓香驛冷猿啼苦桑落洲空鴈影稀此日河梁

一分手荒城留滯更何依

瓜州城樓晚望

城上秋陰黯不開  
烏烏曉角傍空哀  
數行宿鴈蘆中起  
一片風帆樹杪來  
日上海門分島嶼  
霧消江郭見樓臺  
夢魂阻絕鄉關遠  
歲月惟將客鬢催

菊

叢菊凌晨白露團  
後時終恐易凋殘  
幾經籬落迎秋發  
半向天涯帶淚看  
元亮樓遲耽寂寞  
少陵行役飽艱難  
對花忽動平生感  
蕭颯霜風兩鬢寒

秋日雜興

頻年旅食意如何  
歷險真從夢裏過  
驅馬亂山穿虎豹  
偃帆滄海傍鼉鼉  
梁鴻去國歌彌苦  
王粲登樓淚更多  
歸臥故園

空四壁家貧無事不蹉跎

對酒高歌氣尚雄古來潦倒幾人同擔簦躡屨功名晚擊筑  
吹簫道路窮華髮蕭疎催暮景綈袍零落感晨風百年通塞  
何須問且向滄江把釣筒

歸舟漫興

鳬鷺唼喋滿烟汀橋李城南路再經一葉輕舟風正穩晚來  
吹過落帆亭

晴波渺渺澹無烟酒店漁簪遠岸連又見蛤蜊新上市水鄉  
風景適殘年

月夜渡太湖

湖水接天天不分水禽夜呼爛際聞滿船明月唱歌去七十  
二峯皆白雲

張 巖

字崑南號古樵長洲人布衣有鶴健堂詩鈔

秋日過碧公埵院

修竹無遠近入門但清風秋陰澹斜照暮色蒼然空苔花細  
路轉石礪寒流通碧公寂滅久孤埵荒烟中臨堂思舊講循  
林想遺蹤高風昔已渺邱壑今猶同了然悟無生趺坐聞禪  
鐘

登堯峯作

夙昔聞堯峯游心歲已積杪春羣物秀及茲事清適路轉峯  
西偏蕭條但松石飛泉若風雨淙淙下絕壁向晚猿鳥啼時  
還見樵客緇彼五湖水東逝自古昔烟波碧如此人事幾更  
易請從支遁流空山共禪寂

早春遂初園卽事

停橈向林闌修竹衡門裏逶迤人苔逕嵐翠滴牕几種藥有  
山翁垂綸見童子境遠親禽魚汀香秀蘭芷開軒面西山雲  
壑尤清美丈人養微疴逍遙慕園綺懷新感物華論舊惜年  
齒梅花已零落但有青溪水坐愁風雨多春暉澹如此夜深  
巖戶寒幽籟松林起信宿卽歸期相思悵何已

題三泖漁莊圖

泖湖浩淼浮清瀾九峯秀出晴雲端故人結茅傍汀渚綠簑  
嫋嫋秋風寒已知水木遠人境况復鮭菜供盤餐鱸膾漁蓑  
吾已具從君散髮垂綸竿

秋暮同楊石餘過葆中集遂初園雨中登閣分賦

憶昔攜琴坐山閣空山猿嘯風蕭索一彈流水響寒空再鼓



湘雲起蘅薄卽今重到已三秋依然風露滿汀洲芙蓉零落  
不堪採美人相對空離憂

蕭蕭秋晚風雨多相逢奈此良宵何黃柑丹荔手自勞況有  
翠袖彈雲和與君歡樂已遲暮別後相思渺雲樹漁洋山下  
好烟波明日揚帆五湖去

銷夏灣看白蓮

吳王銷夏處尙有白蓮花湖色澹無際水天秋一涯微風動  
蘋末疎雨散蒹葭日暮垂楊岸同誰繫釣槎

雨中中峯晚望

一夜中峯徧風泉萬壑音曉鐘雲外斷春樹雨中深華髮催  
遲暮禪林閱古今浮生多感慨不獨爲登臨

歲暮送友人之吳興

復作茗溪別依依岐路間斜陽孤棹客晴雪五湖山逝水看  
東去冥鴻聽北還天涯當歲暮想像鬢毛斑

送友人游天姥

潮落扁舟夕飄然澤國東桃花一夜雨春水數帆風此去登  
天姥行吟憶謝公空山摘瑤草千里懷誰同

月夜舟次寄懷諸子

斜陽渡口水烟分東望平沙鷺幾羣江浦雨晴潮未落蒹葭  
月上酒初醺歸船涼露三更笛別夢秋山一片雲此夕懷人  
勞遠思西風憔悴沈休文

秋夜雨中集金晉園中卽席感懷亡友亦瑜

秋眠松牕燈火虛故人清宴子雲廬暗殘林鳥空山靜落盡  
汀蘭暮雨疎對酒尚吟思舊賦論懷休擬絕交書相逢盡是

江潭侶重向秋風問索居

秋日登靈巖同石餘企晉

振衣同上落虹亭古塔雲深入杳冥山市草荒秋露白香溪  
雨過暮潮青天空一雁來胥口木落諸峯見洞庭莫向西風  
更懷古菱歌淒絕起烟汀

寄懷朱草衣客楚中

竹西一別幾經年雲海相思共渺然老去杜陵猶作客病來  
摩詰愛逃禪月斜湘雁鳴沙浦霜冷吳楓落釣船惆悵故山  
猿鶴在幾時歸臥白雲邊

重遇揚州賽紅女史愴念舊游賦贈

露桃花暝畫樓東簫管曾同醉綺叢今夕相逢俱是夢月明  
重唱玉玲瓏

瓊花也復解憐人  
腸斷隋家舊苑塵  
水調無聲江月悄  
十年冷落竹西春

忍將金粉怨當年  
落盡桃花春可憐  
多少揚州興廢事  
就中愁殺杜樊川

送友游洞庭山

洞庭秋色渺愁何  
日暮乘潮載酒過  
七十二峯天際落  
片帆西去白雲多

胡承祝

字華三銅陵人貢生  
官蘇州府學訓導  
有輟畊書屋吟稿

擬韋左司寄友

用寄金椒山  
中道士韻

郡齋夜漏沉忽夢  
烟霞客訪我秋雨中  
展齒印苔石坐花間

前軒尊酒數晨夕夢醒月在梁依稀見行蹟

擬韋左司寺居

用寺居寄  
龜圭簿韻

禪室掩青燈蟲語響籬落寒雲淡欲無山月照虛閣風泉繞  
幽林孤斟興不薄苦無同心言誰與慰離索

題王蘭泉三泖漁莊圖

雲間三泖環重湖迴汀曲澹相縈紆九峯倒影潑蒼翠水天一  
色涵空虛此間代有高人居住季鷹歸老餐蓴鱸二陸當年  
未入雒讀書愛築平原廬君家意氣雄千夫金門獻賦長卿  
如鳳池翰染方磊落胡爲寂寞盟樵漁知君樂志惟琴書衡  
門抱影塵襟袂數椽結構依芳渚水邨沙戶相招呼忍飢誦  
經人事絕蘆簾紙閣青燈孤有時刺艇來菰蘆竹竿手把竿  
簪俱筆床茶竈左右列嘯傲烟月何舒徐子家鵲岸江環閭

波寬匹練光平鋪風冷蕭蕭飄荻葦雨昏拍拍飛鷗鳬頻年  
匏繫羈東吳樵兄漁弟還往疎恨不及早賦歸去鳴榔月下  
調烏烏披君畫卷烟霞敷此境輞水鰓網無鮭菜江鄉美風  
景足迹未到神先徂溶溶秋水蒹葭枯伊人宛在清而癯何  
時結隣來薛澗撈魚射鴨同長逋

曉發

宿雨風吹盡篷窗薄冷侵水烟臨曉重山翠入秋深野渡人  
聲聚遙天雁影沉那堪回首望落木正蕭森

春曉曲

翠帳輕寒動春風入繡門遶西無夢到一任曉鶯啼

題畫

迴汀曲渚杳無涯曬網漁舟對岸斜一帶疎林殘照外白雲

黃葉幾人家

歛乃曲

烟澹湖村燈火微  
隔溪漁艇夜深歸  
棹歌杳杳不知處  
涼月一灘沙鳥飛

過春山

字葆中號湘雲吳縣人諸生有湘雲遺稿

蒲湖山房詩話湘雲家居市井性愛邱樊獨與沙斗初吳金晉朱適庭張崑南諸君爲友博通羣籍尤精於新舊唐書嘗爲補遺糾誤未及成而卒惠徵君定宇極稱之年纔二十有九楊石漁森寄懷詩云花蔕圖書並賞音氣壯茶甌伴微吟最憐小閣聯床語多病常懷出世心其標格可知矣詩宗劉春虛王龍標及王孟韋柳錢耶澄鮮幽逸妙悟天然自出清襟不由襲取玉樓早賦賞識者希沈歸愚先生甄錄別裁時予示以詩采擇數首今舉其一者悉著之庶毋致烟雲變滅也

雜詩

織女常苦寒農夫常苦飢  
里間游俠兒裘馬自輕肥  
上林射雉往平樂門雞歸華燭布瑤席  
香風引妓圍酣歌散烟霧咳

唾成珠璣得意苟如此安知是與非

雨霽卽事

霽色收微雨白雲澹遙天東原枯棹歇新流分稻田苔逕每  
孤往蕭蕭聞暮蟬藤陰凝暗露樹杪生孤烟秋氣晚來佳爲  
吟桑者篇

秋日寄諸子

秋林風蕭蕭茅徑無人迹閒居久沈冥步履散愁疾衆鳥各  
已歸西山藹餘日不見素心人浩歌空竚立

夏日閒居

果園沐新雨空翠積几席卷書午倦餘墜葉紛蕭槭乳鷯集  
卑枝陰蟲吟暗壁過物多所懷靜觀知有獲同心二三子幽  
事已成昔新月滿蒼苔誰爲一步屨



中峯水明樓

積雨岩壑靜古木吹幽香山樓坐翠微雲氣生衣裳佛火耿  
幽龕經聲雜風篁蕭然萬籟寂水石空青蒼夙懷方外游何  
爲疲津梁誓將持半偈掩關臥繩床

雪中簡吳竹嶼

雨雪積深夜荒溪斷樵牧晨烟冷茅茨陰色靜空谷迴風颭  
以至殘滴響修竹蕭條孤興發視聽轉幽獨故人隔溪水邨  
墟辨喬木何當著屐來床頭酒初熟

沙白岸朱適庭秋嶺吳竹嶼夜集茅齋遲張崑南不  
至

山月隨客歸華門烟中啓涼露暗生衣落葉時盈几忘言淡  
相對頗得清靜理開軒望遠郊隱隱微鐘起不見抱琴人幽

懷付流水

同吳竹嶼登凝遠樓

雨後遙山碧如洗  
蘿逕無人暝烟起  
露滴荷衣生暮寒  
抱琴獨宿秋聲裏  
爲君一鼓滄浪吟  
萬壑千巖流水深  
何處夜猿啼不斷  
西風蕭颯引離心

祇樹庵黃山松歌

何人植此黃山松  
虬枝屈鐵高龍嵒  
日色慘淡烟濛濛  
虛堂白晝生雷風  
疑是軒轅遨遊載  
玉女青天飛下蒼  
精龍不然仙人縮  
地弄雲海恍惚坐  
我天都峯蓮花百  
丈倒空翠飛泉十  
里噴長虹老幹槎  
枒奏羣嶺寒濤澎  
湃聲摩空道人無  
營靜對此薄寒翠  
滴秋衣濃招予松  
根聽清響落葉謾  
驚秋蟲無勞採藥  
三桑東但乞方便  
安禪宮高枕莓苔  
跣雨足悠

然夢覺寒山鐘

寄吳竹嶼

野外疎人事蕭然掩敝廬涼風落山果微雨長秋蔬倚杖歌  
招隱臨流誦卜居芷蘭誰采采日夕渺愁予

同吳竹嶼水亭夜話

水亭纖月上蘿徑散秋陰涼露生衣袂清風滿竹林美人坐  
遙夜逸興托孤琴一聽滄浪唱悠然塵外心

對雪獨酌和邵漚夫

積雪滿窮巷林深獨閉門隔窗梅破臘盡日酒盈樽凍浦下  
寒鴈空山啼夜猿扁舟欲乘興杳杳暮天昏

積雨

積雨荒江暮危樓水氣昏亂山開夕照獨鳥下寒村種秫吾

將老裁詩誰與論近來憔悴意欲其白鷗言

竹爐山房訪天鈞上人不遇上人好古能詩藏竹爐  
詩卷墨蹟希世寶也

精舍泉聲裏行人出翠微雨餘芳草長春冷雜花稀  
浩切留詩卷名山老布衣無因陪杖屨惆悵對斜暉

曉起

曉起理疏圃疏籬日影遲秋寒菜甲細露重荳花垂  
散帙時閒讀濁醪長自持隣翁諳野趣乘興過東菑

問楊石餘疾

落葉滿汀洲斜陽閉竹樓十年吳苑客一臥海門秋  
往事悲青鏡餘生付白鷗相將有嵇阮把臂入林邱

曉登支硎山

閑入青蘿去寒山深幾重晴雲生古石空翠落長松倚杖看  
流水忘言坐曉鐘下方初放梵曙色辨諸峯

山行卽事

澗道依山轉迢迢積翠深疎鐘荒塢靜修竹數家陰暮色歸  
田犬溪光下渚禽幽棲從我老卜築對遙岑

石湖

數里入空翠峯回碧澗幽新霜變木葉斜日亂溪流帆影松  
陵暝菱歌笠澤秋忘機羨漁父把釣狎沙鷗

宿水石閣

斜光帶木杪山徑已蒼然門掩藤蘿月人歸橘柚烟明燈臨  
水飯欹枕對鷗眠一夜秋蕭颯蘆花落滿船

湖上曉起

宿雨霽空江初陽隱寒樹蘆洲不見人微聞水邊語

梁溪雜詠

東風過雨草芊芊斜日山橋聚釣船一路冷烟柳欲絮春衣  
初試賣餚天

邨居

遠山一碧帶孤村樹石蕭疎晝掩門閒臥不知新雨過晚涼  
藥院長苔痕

朱研

字子存號紫岑休寧籍吳縣人監生

塞上曲

營門日落晚蒼茫瀚海天山道路長愁絕李陵臺畔路夜深  
東望月如霜

長城寒色起邊愁，深夜彎弓上戍樓。  
漢將令嚴霜月白，更無長笛奏伊州。

朱昂

字德基，號適庭，長洲人。監生。有《養雲亭詩鈔》。

題翁霽堂秋林覓句圖

風舉振林木，墜葉紛如雨。鴻雁初來賓，蟋蟀聲在宇。  
幽人動遐思，清吟良獨苦。悠悠孰知音，空山有樵父。

擬韋左司寄友

郡齋春風至，谷鳥林端鳴。時清多暇豫，端居懷友生。  
名山昔同游，芳樽茲獨傾。一從秋雨別，離索緘中情。  
去者愜幽賞，居者羈世榮。雜花明前川，春草日以萌。  
寂寥掩扉臥，良會何由并。

黃山松歌爲靜菴上人賦

黟山峭拔生古松玉屏鐵壁眠虬龍老榦槎枒萬枝立蒲團  
石上雲烟封陰崖終古悶樵採斧斤所棄高龍從影摩蒼天  
野鶴唳風鳴絕壁洪濤舂軒皇一去五千載振衣誰躡青芙  
蓉道人移來植淨域竹爐煮瀑森陰濃有時千霄撼風雨下  
眇蒲柳皆凡庸我來松根重感慨月斜獨聽寒山鐘久辭故  
山適異縣楓江旅泊淹孤蹤十年夢想落雲海無能策杖披  
蒙龍皮皺骨瘦絕類此星霜過眼秋徂冬何時還山尋舊約  
僊人招我天都峯

斗初企晉過訪留宿小樓

隣寺疎鐘歇江村落木多柴門深雨閉客權暮寒過促席依  
松檜移床近薜蘿山中樵信近握手問如何



密懷凌祖錫

碧柳依南浦相思春雨餘雲帆三百里海雁數行書天末憐  
同調花時歎索居經年勞夢寐君子意何如

聽張古樵彈琴

幽居委巷靜日晚坐鳴琴傾耳泉流澗當窗風入林樓高寒  
雁過山遠暮雲深再鼓瀟湘曲飄然諧夙心

元夕吳江道中

夕鳥下村烟春江欲暝天梅花開異縣客夢入新年極浦疎  
燈出孤帆細雨懸迷濛芳樹色歸路渺平川

題王蘭泉三泖漁莊圖

吳淞百里水泠泠草色閒門釣舫停秋雨忽添疎樹綠夕陽  
還送遠山青人歸輞口雲迴合棹入僊源路杳冥從此結茅

桑苧下生涯好續鱸魚經

寄題吳企晉秋江歸櫂圖

秋風命駕惜離羣黃帽青氈此夕分別路猿吟三楚樹還家  
帆卸五湖雲閒情早賦陶彭澤清夜高歌鄭廣文整頓香溪  
舊漁舍臨流結網趁斜曛

題黃永夫竹漁莊圖

負郭開田半畝宮門前櫂轉曲溪通綠楊晒網橋三板春水  
環邨竹幾叢東漢隱淪推叔度西江詩格重涪翁何當結屋  
南隣近共話桑麻杯酒中

和太史浚谷族叔偕同人游汪伯子巖東草堂之作  
次韻

名園幽寂樹曾長者停車訪舊朋山果雨中初結實藥欄

春盡半牽藤溪流小艇聞漁笛閣倚重巖隱佛燈絕好竹林  
吟嘯處清游我亦記來曾

題江村草堂圖

芙蓉秋浦碧迢迢又值寒塘木葉飄曾憶扁舟漁火夜殘鐘  
落月過楓橋

秋柳間門野寺孤玉遮山色晚模糊好將黃鶴丹青筆寫出  
江樓聽雨圖

易 諧

字夔勳號松滋江都人候補知府有抱山堂詩鈔

題王蘭泉三柳漁莊圖

烟光結幽村竹木紛可喜古屋三兩間靜者此棲止吟詩發  
妙性窮經喻微理時一弄扁舟長竿釣秋水

立夏前一日西疇小飲

爲惜春將去幽尋過竹廬綠深棲鳥靜風定落花疎野逕苔  
痕合夕陽隤影虛芳華容易歇把酒一踟躕

環溪野望

倦源不可到卽此足閑情草色碧無際溪流春有聲好花三  
月暮疎雨一朝晴向夕漁譚起微風隔浦生

陸貽穀

宇露傳號湘蘋青浦人貢生

題黃雪廊

長廊凝望處積暈映簾櫳香恰當秋半游疑在月中霏霏臨  
曲檻蘂蘂入遙空夜靜徘徊久清虛此地通

沈懋功

字枚臣青浦人貢生有妙香詩草

蠟梅

數點檀心耐細看蜂脾偷蜜怯餘寒隔江梅柳春將至預報東風蠟一丸

爲西岑倪氏題畫

霜林染遍葉酣紅平遠秋山入畫中徑曲不知何處轉小橋西去一灣通

邵玘

字珏庭青浦人貢生有西樵詩鈔

題西莊光祿課畊圖

東風芳草堤淡水菰蒲境農事春來繁畊夫耒咸秉夫君大雅才振衣在華省偶因休沐暇聊睇田園景埜徑何盤紆遐

阡廬修整勉以畊耨勞眷茲蓂莢影犬吠遠村閒雞鳴墟里  
靜良覲一以逢囂塵自此屏

王本蕃

字芳儀青浦人諸生

渡澱山湖

風度歸帆疾晴空漾夕輝漁舫聲唱和村舍影稀微汀草連  
天碧沙鷗逐浪飛湖中春漲滿應羨鱖魚肥

王玖

字二癡常熟人翬之子

爲述庵先生畫三泖漁莊并題

打漿入空明橫橋出秋嶼人在釣魚汀如聞隔烟語

湖海詩傳卷十二